

**Bosna i Hercegovina**  
**Brčko distrikt Bosne i Hercegovine**  
**KANCELARIJA ZA PRAVNU POMOĆ**



**Босна и Херцеговина**  
**Брчко дистрикт Босне и Херцеговине**  
**КАНЦЕЛАРИЈА ЗА ПРАВНУ ПОМОЋ**

---

Trg pravde 10, 76100 Brčko distrikt Bosne i Hercegovine; tel: 049/219-075; fax: 049/219-070; e-pošta: [kppbd@kppbd.ba](mailto:kppbd@kppbd.ba)

Трг правде 10, 76100 Брчко дистрикт Босне и Херцеговине; тел: 049/219-075; факс: 049/219-070; е-пошта: [kppbd@kppbd.ba](mailto:kppbd@kppbd.ba)

**Број: Ку-63/23**  
**Брчко, 09. 03. 2023. године**

## **IZVJEŠTAJ O RADU**

**Kancelarije za pravnu pomoć**  
**Brčko distrikta BiH**  
**za period 01.01. - 31.12.2022. godine**

## UVODNE NAPOMENE

Shodno odredbi člana 47 Zakona o Kancelariji za pravnu pomoć Brčko distrikta BiH („Službeni glasnik Brčko distrikta BiH“, brojevi: 19/07 i 23/19) Kancelarija za pravnu pomoć Brčko distrikta BiH (u daljnjem tekstu: Kancelarija) dostavlja Izvještaj o radu za 2022. godinu Pravosudnoj komisiji Brčko distrikta BiH i Skupštini Brčko distrikta BiH.

Prema glavi V Statuta Brčko distrikta BiH, Kancelarija je nezavisna institucija odgovorna za pružanje pravnih savjeta i zastupanje građana Brčko distrikta BiH slabog imovnog stanja u krivičnim i parničnim predmetima.

Nadležnost Kancelarije propisana je članom 7 Zakona o Kancelariji za pravnu pomoć Brčko distrikta BiH. Shodno tome, Kancelarija je odgovorna za pružanje pravnih savjeta i zastupanje građana Distrikta slabog imovnog stanja i preduzima sve radnje pred Osnovnim sudom Brčko distrikta, Apelacionim sudom Brčko distrikta i Tužilaštvom Brčko distrikta. Kancelarija preduzima sve radnje i učestvuje u svim fazama postupka do pravosnažnog okončanja postupka.

Kancelarija zastupa građane Distrikta slabog imovnog stanja u:

- krivičnom,
- prekršajnom,
- parničnom,
- vanparničnom,
- izvršnom,
- upravnom i
- drugim postupcima propisanim posebnim zakonima.

Pored zastupanja građana u navedenim postupcima Kancelarija pruža strankama usmene savjete o svim pravima i obavezama, pomoć u popunjavanju obrazaca, i pravnu pomoć u popunjavanju svih vrsta pismena.

U svom radu Kancelarija primjenjuje sve materijalne i procesne zakone Brčko distrikta BiH.

Rješenje o angažovanju Kancelarije za zastupanje pred Tužilaštvom i Sudom donosi u krivičnom postupku predsjednik Osnovnog suda, sudija ili vijeće u skladu sa Zakonom o krivičnom postupku Brčko distrikta BiH, a u parničnom i drugim postupcima predsjednik Osnovnog suda po proceduri propisanoj ovim zakonom ili posebnim propisima. O zahtjevu za ostvarivanje pravne pomoći u upravnom postupku odlučuje direktor Kancelarije.

Kancelarija vrši i druge poslove propisane posebnim zakonima.

Pored 10 zaposlenih, u toku 2022. godine u Kancelariji je radio 1 pripravnik i 1 pripravnik - volonter koji su sticali radno iskustvo radi obavljanja pripravničkog staža diplomiranog pravika.

Kancelarija svojim radom omogućava građanima Brčko distrikta pravo na pravično suđenje i jednak pristup pravdi pred sudovima Brčko distrikta, a što je u skladu sa Statutom Brčko distrikta, Evropskom konvencijom o ljudskim pravima i Zakonom o Kancelariji za pravnu pomoć Brčko distrikta BiH.


## POSLOVI I ZADACI

U toku izvještajnog perioda (01.01. – 31.12.2022. godine) Kancelarija je imala u radu 1065 predmeta, a od toga:

- krivičnih..... 316
- prekršajnih..... 93
- parničnih .....228
- vanparničnih ..... 37
- izvršnih ..... 72
- upravnih..... 2
- predmeta Vijeća za izlaganje ... 317


*Grafikon broj 1*

### Predmeti u radu za 2022. godinu



U Kancelariji nije izvršena specijalizacija advokata, tako da svi advokati vrše zastupanja kako u krivičnim, prekršajnim, parničnim, vanparničnim, izvršnim, upravnim i drugim predmetima. Radeći na ovaj način, u izvještajnom periodu postizan je kvalitetan rad u svim predmetima.

*Grafikon broj 2*



*Tabela broj 1. Izvještaj o broju predmeta*

Vrsta predmeta	Preneseni predmeti iz ranijih godina	Primljeni predmeti u 2022. godini	Predmeti u radu za 2022. godinu	Završeni predmeti u 2022. godini
Krivični predmeti	173	143	316	104
Prekršajni predmeti	17	76	93	69
Parnični predmeti	124	104	228	93
Vanparnični predmeti	21	16	37	16
Izvršni predmeti	55	17	72	8
Upravni predmeti	0	2	2	1
Predmeti Vijeća za izlaganje	295	22	317	24
<b>Ukupno</b>	<b>685</b>	<b>380</b>	<b>1065</b>	<b>315</b>
Usmeni savjeti			<b>1.489</b>	

*Tabela broj 2. Izvještaj o broju predmeta i usmenih savjeta s poređenjem iz prethodne godine*

Advokat	Predmeti u radu		Završeni predmeti		Izdati nalozi za istražitelja		Usmeni savjeti	
	2021.	2022.	2021.	2022.	2021.	2022.	2021.	2022.
UKUPNO:	<b>1.041</b>	<b>1.065</b>	<b>354</b>	<b>315</b>	<b>40</b>	<b>43</b>	<b>1.216</b>	<b>1.489</b>
	povećanje predmeta u radu u 2022. godini za 2,3 %		smanjenje završenih predmeta u 2022. godini za 11,1 %		povećanje naloga za istražitelja u 2022. godini za 7,5 %		povećanje usmenih savjeta u 2022. godini za 22,4 %	

## KRIVIČNI PREDMETI

Uloga odbrane u krivičnim predmetima je vrlo složena, kompleksna i odgovorna s obzirom da ista podrazumijeva provođenje vlastite istrage.

Vlastita istraga odbrane je obavezna prema članu 50 Zakona o krivičnom postupku Brčko distrikta BiH, koja odredba upućuje branioca da preduzme sve neophodne radnje u cilju utvrđivanja činjenica, prikupljanja dokaza koji idu u korist osumnjičenog odnosno optuženog kao i zaštite njihovih prava.

Istragom odbrane rukovodi advokat koji je zadužen za konkretni predmet a istražitelj Kancelarije postupa po konkretnim nalogima advokata.

Krivični predmeti u radu Kancelarije u 2022. godini su iz sljedećih kategorija krivičnih djela: krivična djela protiv imovine, krivična djela protiv zdravlja ljudi, krivična djela protiv života i tijela, krivična djela protiv braka porodice i omladine, krivična djela protiv slobode i prava čovjeka i građanina, krivična djela protiv spolne slobode i morala, krivična djela protiv privrede poslovanja i sigurnosti platnog prometa, krivična djela iz oblasti poreza, krivična djela protiv okoliša, poljoprivrede i privrednih dobara, krivična djela protiv opće sigurnosti ljudi i imovine, krivična djela protiv sigurnosti javnog saobraćaja, krivična djela protiv Pravosuđa, krivična djela protiv javnog reda i pravnog saobraćaja i krivična djela podmićivanja i krivična djela protiv službene i druge odgovorne dužnosti.

U strukturi krivičnih predmeta najbrojniji predmeti u radu Kancelarije u 2022. godini su iz kategorije krivičnih djela protiv imovine (170 predmeta), iz kategorije krivičnih djela protiv zdravlja ljudi (46 predmeta), iz kategorije krivičnih djela protiv života i tijela (17 predmeta), iz kategorije krivičnih djela protiv javnog reda i pravnog saobraćaja (15 predmeta), te iz kategorije krivičnih djela protiv braka, porodice i omladine (11 predmeta).

Manje brojni predmeti su iz sljedećih kategorija: iz kategorije krivičnih djela protiv okoliša, poljoprivrede i privrednih dobara (10 predmeta), iz kategorije krivičnih djela protiv spolne slobode i morala (9 predmeta), iz kategorije krivičnih djela protiv pravosuđa (7 predmeta), iz kategorije krivičnih djela podmićivanja i krivičnih djela protiv službene i odgovorne dužnosti (7 predmeta), iz kategorije krivičnih djela protiv slobode i prava čovjeka i građanina (7 predmeta), iz kategorije krivičnih djela protiv sigurnosti javnog saobraćaja (4 predmeta), iz kategorije krivičnih djela protiv opšte sigurnosti ljudi i imovine (2 predmeta), iz kategorije krivičnih djela iz oblasti poreza (2 predmeta), te iz kategorije krivičnih djela protiv privrede, poslovanja i sigurnosti platnog prometa (1 predmet).

Kancelarija je u izvještajnom periodu imala u radu 30 predmeta u kojima je postupak vođen protiv maloljetnih lica. U strukturi krivičnih predmeta u kojima je Kancelarija postupala, takođe su najbrojniji maloljetnički predmeti iz kategorije krivičnih djela protiv imovine i krivičnih djela protiv života i tijela.

U periodu od 01.01 do 31.12.2022. godine Kancelarija je zaprimila 143 novih krivičnih predmeta, dok je 173 predmeta preneseno iz ranijih godina, tako da je Kancelarija imala u radu ukupno 316 krivičnih predmeta.

U 2022. godini završena su 104 krivična predmeta.

## STRUKTURA KRIVIČNIH PREDMETA U RADU U 2022. GODINI

Glava	Naziv krivičnog djela	član KZ BD BiH	br. predm. prenesenih iz ranijih godina	br. predm. prim. u 2022.
16	ubistvo	163	2	0
16	teška tjelesna povreda	169	2	1
16	laka tjelesna povreda	170	6	6
17	otmica	177	0	1
17	ugrožavanje sigurnosti	180	2	2
17	narušavanje nepovredivosti doma	181	1	0
17	povreda slobode odlučivanja birača	192	0	1
19	silovanje	200	2	0
19	spolni odnos s nemoćnom osobom	201	2	0
19	trgovina ljudima	207	2	0
19	spolni odnos s djetetom, iskorištavanje djeteta ili maloljetnika radi pornografije	208	2	1
20	vanbračna zajednica s maloljetnikom ili djetetom	213	0	1
20	zapuštanje ili zlostavljanje djeteta ili maloljetnika	216	2	0
20	nasilje u porodici	218	7	1
21	neovlaštena proizvodnja i stavljanje u promet opojnih droga	232	23	21
21	omogućavanje uživanja opojnih droga	233	1	1
22	prevara u privrednom poslovanju	245	1	0
23	porezna utaja	267	1	1
25	krađa	280	30	38
25	teška krađa	281	35	32
25	razbojništvo	283	8	3
25	utaja	284	2	1
25	oštećenje tuđe stvari	287	3	7
25	prevara	288	3	5
25	paljevina	295	3	0
26	šumska krađa	310	9	1
27	izazivanje opšte opasnosti	317	2	0
28	ugrožavanje javnog saobraćaja	326	2	2
29	organizovani kriminal	336	5	0
29	lažno prijavljivanje	341	2	0
30	napad na službeno lice u vršenju dužnosti	353	1	1
30	nasilničko ponašanje	356	0	1
30	skidanje ili povreda službenog pečata	360	1	2
30	nedozvoljeno držanje oružja ili eksplozivnih tvari	365	2	3
30	falsifikovanje isprave	367	1	3
31	primanje dara i drugih oblika koristi	374	3	0
31	zloupotreba položaja ili ovlasti	377	0	1

<b>31</b>	pronevjera	<b>378</b>	2	1
	krijumčarenje lica	Čl.189 KZ BiH	1	0
	prevara	Čl. 294 KZ FBiH	0	1
	neovlaštena nabavka, držanje ili prodaja oružja ili bitnih dijelova za oružje	Čl.65 Zakona o oružju i municiji	0	4
	savjetnik svjedoku	Čl. 84. ZKP-a	2	0
UKUPNO			<b>173</b>	<b>143</b>

### PREKRŠAJNI PREDMETI

U izvještajnom periodu Kancelarija je zastupala u 93 prekršajna predmeta. Od toga je 76 predmeta zaprimljeno u 2022. godini a 17 predmeta je preneseno iz ranijih godina. U 2022. godini završeno je 69 prekršajnih predmeta.

### STRUKTURA PREKRŠAJNIH PREDMETA U RADU U 2022. GODINI

OBLAST	PREKRŠAJ	br. predmeta prenesenih iz ranijih godina	br. predmeta primljenih u 2022.
Javni red i mir	član 4 Zakon o javnom redu i miru	0	6
	član 5	4	5
	član 6	0	1
	član 8	1	1
	član 29	0	6
Sigurnost javnog saobraćaja	član 43 ZOBSNP	0	2
	član 99	3	18
	član 102	2	5
	član 172 i 211	1	1
	član 184	3	16

	član 184 i 207	1	3
	član 207	0	1
	član 207 i 99	1	4
	član 208	0	1
	član 210	0	1
	član 211	0	3
	član 238 i 249	0	1
Zakon o komunalnim djelatnostima	član 237	1	0
Zakon o sprečavanju i suzbijanju zloupotrebe opojnih droga	član 4	0	1
UKUPNO		<b>17</b>	<b>76</b>

## PARNIČNI PREDMETI

Parnični predmeti spadaju u najkompleksnije sudske predmete a njihovo rješavanje zavisi od efikasnosti sudova (ovdje se misli na rokove i vremenski period potreban da se okonča jedan postupak).

U parničnim predmetima se raspravlja o stvarnopravnim odnosima (utvrđivanje prava vlasništva i drugih stvarnih prava i dr.), zatim o obligacionim odnosima (naknada štete, sticanje bez osnova, dug zbog neizmirenih ugovornih obaveza i dr.), porodičnim odnosima, radno-pravnim odnosima i drugim pravnim osnovama.

U parničnim predmetima Kancelarija je vršila zastupanja u 228 predmeta, od toga je 104 predmeta zaprimljeno u 2022. godini a 124 predmeta je preneseno iz ranijih godina.

U 2022. godini završena su 93 parnična predmeta.



## STRUKTURA PARNIČNIH PREDMETA U RADU U 2022. GODINI

PRAVNI OSNOV	broj predmeta prenesenih iz ranijih godina	broj predmeta zaprimljenih u 2022.godini
izdržavanje	2	4
izmjena odluke o povjeri djece	3	3
povjera mladb. djece	12	18
razvod braka	14	28
razvod braka s povjerom djece	3	5
razvod braka s povjerom djece i izdržavanje	26	17
razvod braka i izdržavanje bračnog partnera	2	2
poništenje ugovora	0	1
utvrđenje udjela u bračnoj tekovini	14	4
osporavanje očinstva	1	2
predaja u posjed nekretnina	3	1
utvrđenje	2	1
raskid ugovora	5	4
naknada štete	8	3
isplata	1	1
dug	11	7
utvrđivanje prava vlasništva	5	0
služnost prolaza	2	0
smetanje posjeda	1	0
izdvajanje udjela bračne tekovine iz ostavinske mase	1	0
utvrđenje postojanja prava stvarne služnosti	2	0
utvrđenje nužnog dijela	1	0
iseljenje	3	0
regresna tužba	2	0
upravni spor	0	3
<b>UKUPNO</b>	<b>124</b>	<b>104</b>

## VANPARNIČNI PREDMETI

U izvještajnom periodu Kancelarija je zastupala u 37 vanparničnih predmeta. Od toga je 16 predmeta zaprimljeno u 2022. godini a 21 predmet prenesen je iz ranijih godina.

U strukturi vanparničnih predmeta najbrojniji predmeti su: uređenja međe, dokazivanje smrti, proglašenje nestalog lica umrlim, zadržavanje duševnog bolesnog lica u zdravstvenoj ustanovi, ispravka upisa te dozvola za stupanje u brak prije punoljetstva.

U 2022. godini završeno je 16 vanparničnih predmeta.

## IZVRŠNI PREDMETI

U izvještajnom periodu Kancelarija je zastupala u 72 izvršna predmeta.

Od toga je 17 predmeta zaprimljeno u 2022. godini, a 55 predmeta preneseno je iz ranijih godina.

U 2022. godini završeno je 8 izvršnih predmeta.

## UPRAVNI PREDMETI

U izvještajnom periodu Kancelarija je postupala u 2 upravna predmeta. Od toga je 2 predmeta zaprimljeno u 2022. godini, a prenesenih predmeta iz ranijih godina nije bilo.

U 2022. godini završen je 1 upravni predmet.

## PREDMETI VIJEĆA ZA IZLAGANJE

Početkom rada Vijeća za izlaganje nekretnina i utvrđivanju prava na zemljištu Kancelarija je angažovana u skladu s članom 233 tačkom 1 Zakona o registru zemljišta i prava na zemljištima Brčko distrikta BiH, jer licu čije je prebivalište odnosno boravište nepoznato, a ne javi se radi učešća u postupku, Vijeće kao privremenog zastupnika postavlja advokata Kancelarije za pravnu pomoć. U 2022. godini Kancelarija je angažovana u 317 predmeta, a od toga 22 predmeta su iz 2022. godine, a 295 predmeta su prenesena iz ranijih godina.

U 2022. godini završen je 24 Vi predmet.

## USMENI SAVJETI

Davanje pravnih savjeta je veoma složen i kompleksan pravni posao. Stručnim i kvalitetnim pravnim savjetom, odnosno blagovremenom prezentacijom stranci analize činjeničnog stanja i propisa smanjuju se neosnovana pokretanja parničnih postupaka, samim tim i troškovi postupka te opterećenost sudova.

Advokati Kancelarije svaki radni dan pružaju usmene savjete odnosno stručnu pomoć svim građanima Distrikta koji se obrate za pomoć, i pružanje iste nije uslovljeno lošim imovnim stanjem.

Pružanje usmenih savjeta obavlja se stručno i kvalitetno.

U izvještajnom periodu, u toku 2022. godine advokati Kancelarije pružili su 1489 usmenih savjeta. Veći dio savjeta odnosi se na probleme vezane za imovinu, razvod braka, podjelu bračne tekovine, izdržavanje, problemi oko nasljedstva, smetanja posjeda, savjete u vezi zaključenja ugovora, prigovori na rješenja o izvršenju, kao i savjete iz svih ostalih oblasti prava.

## VJEŠTAČENJA

Po Zakonu o Kancelariji za pravnu pomoć Kancelarija u svom radu tj. u zastupanju stranaka vrši angažovanje vještaka raznih struka.

U 2022. godini Kancelarija je na osnovu obavljenih vještačenja isplatila iznos od 3.567,75 KM.

## AŽURNOST RADA

Što se tiče ažurnosti rada Kancelarije za pravnu pomoć, advokati predmet uzimaju u rad odmah nakon raspoređivanja istog, ali sam završetak istih predmeta ne zavisi od advokata nego od efikasnosti sudova i drugih okolnosti.

Advokati Kancelarije su u 2022. godini imali 711 zastupanja na sudu i ako se uzme da je u toku godine bilo 250 radnih dana, to znači da su advokati imali u prosjeku dnevno 2,8 zastupanja na sudu, te 5,9 usmenih savjeta dnevno.

U krivičnim predmetima sporazumom o priznanju krivice završeno je 13 predmeta.

Kancelarija za pravnu pomoć je u 2022. godini izjavila 8 žalbi na presude u krivičnim predmetima, dok je na rješenje o određivanju ili produženju pritvora izjavljeno 7 žalbi, tako da je ukupno izjavljeno 15 žalbi u krivičnim predmetima.

U 2022. godini Kancelarija za pravnu pomoć je imala 2 oslobađajuće presude u krivičnim predmetima.

Predmeti koji su okončani oslobađajućim presudama su iz kategorija krivičnih djela protiv imovine.

Kancelarija za pravnu pomoć je u 2022. godini izjavila 5 žalbi u parničnim predmetima.

U Kancelariji je zaposlen istražitelj koji postupa po nalogu advokata prioriteto u krivičnim, parničnim kao i u drugim postupcima koji su u radu u Kancelariji radi prikupljanja dokaza i sprovođenja vlastite istrage. Rad istražitelja i advokata je timski rad koji doprinosi kvalitetnom zastupanju stranaka.

Istražitelj Kancelarije je u 2022. godini imao 43 naloga advokata po kojima je postupao.

Advokati Kancelarije prisustvovali su seminarima koje organizuju Centri za edukaciju RS i FBiH i Pravosudna komisija Brčko distrikta iz krivične i građanske oblasti.

Savjetovanju iz krivičnopravne oblasti, koje je održano u Neumu, prisustvovali su advokati Kancelarije, kao i savjetovanju iz građanske oblasti koje je održano na Jahorini.

## FINANSIJSKI IZVJEŠTAJ

Kancelarija za pravnu pomoć finansira se iz Budžeta Brčko distrikta BiH.

Planirani budžet Kancelarije za 2022. godinu iznosio je 622.767,56 KM, od toga je za bruto plate, doprinose i naknade zaposlenih 595.157,56 KM, a 27.610,00 KM za materijalne troškove.

*Tabela br. 3. Izvršenje budžeta za 2022. godinu*

Ekonomski kod	OPIS	Plan 2022	Izvršenje I-XII 2022	% realizacije
611100	Bruto plate	529.939,97	496.019,13	93,60
611200	Naknada troškova zaposlenih	43.400,00	20.957,50	48,29
<b>611000</b>	<b>Ukupno plate i naknade</b>	<b>573.339,97</b>	<b>516.976,63</b>	<b>90,17</b>
<b>612000</b>	<b>Doprinosi poslodavca</b>	<b>21.817,59</b>	<b>21.937,06</b>	<b>100,55</b>
613100	Putni troškovi	2.300,00	2.040,60	88,72
613300	Izdaci za komunalne usluge	4.900,00	4.008,21	81,80
613400	Nabavka materijala	4.600,00	4.449,85	96,74
613500	Prevoz i gorivo	1.500,00	1.088,02	72,53
613700	Izdaci za tekuće održavanje	1.500,00	592,69	39,51
613800	Osiguranje i bankarske usluge	1.800,00	1.767,62	98,20
613900	Ugovorene usluge	11.010,00	8.621,88	78,31
<b>613000</b>	<b>Ukupno materijalni troškovi</b>	<b>27.610,00</b>	<b>22.568,87</b>	<b>81,74</b>
<b>600000</b>	<b>UKUPNO RASHODI</b>	<b>622.767,56</b>	<b>561.482,56</b>	<b>90,16</b>

*Tabela br. 4 Rekapitulacija troškova u predmetima Kancelarije*

<b>Arhivirani predmeti u 2022. godini</b>	<b>Vrsta predmeta</b>	<b>Troškovnici po tarifi FBiH</b>	<b>Troškovnici po tarifi RS</b>
104	krivični	<b>131.033,00</b>	<b>91.084,00</b>
69	prekršajni	<b>24.960,00</b>	<b>19.990,00</b>
93	parnični	<b>135.807,00</b>	<b>101.037,00</b>
16	vanparnični	<b>15.680,00</b>	<b>14.170,00</b>
8	izvršni	<b>3.810,00</b>	<b>3.710,00</b>
1	upravni	<b>705,00</b>	<b>470,00</b>
24	predmeti Vijeća za izlaganje	<b>5.760,00</b>	<b>2.400,00</b>
1.489	usmeni savjeti	<b>44.670,00</b>	<b>29.780,00</b>
	<b>UKUPNO:</b>	<b>362.425,00</b>	<b>262.641,00</b>

Advokati Kancelarije prije arhiviranja svakog predmeta imaju obavezu da obračunaju troškovnik po advokatskim tarifama Republike Srpske i Federacije BiH, a u svrhu ekonomskih pokazatelja.

## PROGRAMSKA ORIJENTACIJA

U narednoj godini Kancelarija će svoje angažovanje usmjeriti na najkvalitetnija moguća zastupanja stranaka u svim vrstama postupaka.

Svi zaposleni maksimalno će se angažovati da u predviđenim rokovima izvrše postavljene zadatke, kao i do sada, te da na taj način pruže najviše moguće standarde u zaštiti prava stranaka koje zastupamo i kojima pružamo pravne savjete. Da bi odgovorili ovim programskim orijentacijama u cilju poboljšanja kvaliteta usluga koje pruža Kancelarija, kao i kontinuiranog praćenja novih izmjena postojećih propisa, kao i praćenja sudske prakse, advokati Kancelarije će se pored obavezne edukacije na krivičnopravnim i građanskim savjetovanjima organizovanim od strane Pravosudne komisije Brčko distrikta BiH i Centara za edukaciju FBiH i RS dodatno educirati na seminarima specijalno organizovanim za davaoce besplatne pravne pomoći, te drugim adekvatnim seminarima.

D i r e k t o r

Kancelarije za pravnu pomoć

Brčko distrikta BiH

---

Safet Pizović